

ხელშეკრულება №ა/ფ-3
სახელმწიფო შესყიდვის შესახებ
(გამარტივებული ელექტრონული ტენდერი)

თბილისი

27.04.2017წ.

ერთი მხრივ სსიპ „ბავშვთა და ახალგაზრდობის ეროვნული ცენტრი“, შემდგომში - შემსყიდველი, წარმოდგენილი ცენტრის უფროსის გიგა გაბელაიას სახით და მეორე მხრივ შპს „პერეთი 2016“, შემდგომში - მიმწოდებელი, წარმოდგენილი მისი დირექტორის ვალერიან კერესელიძის სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ამავე კანონის მე-16¹ მუხლის პირველი პუნქტის, შემსყიდველი ორგანიზაციის პროგრამებისა და ბანაკების მართვის დეპარტამენტის პროგრამების სამსახურის უფროსის მ/შ ბელა სარიას 2017 წლის 14 მარტის N05/115 მოხსენებითი ბარათის საფუძველზე, ვდებთ წინამდებარე ხელშეკრულებას (NAT 170004020):

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება“ – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს მომსახურების გაწევას ამ ხელშეკრულების ფარგლებში.
- 1.6 „მომსახურება“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

წინამდებარე ხელშეკრულების საგანს წარმოადგენს „ახალგაზრდული ფესტივალი 2017“-ის პროექტის „ჩვენთვის და ჩვენთან ერთად“ ფარგლებში სასტუმროს მომსახურების (CPV 55100000) შესყიდვა - შემდგომში მომსახურება.

3. ხელშეკრულების ღირებულება

3.1 ხელშეკრულების ღირებულება შეადგენს 21 097.44 (ოცდაერთათას ოთხმოცდაჩვიდმეტი ლარი და ორმოცდაოთხი თეთრი) ლარს.


3.2. ხელშეკრულების მე-2 მუხლით გათვალისწინებული მომსახურების ერთეულის და საერთო ღირებულებები განსაზღვრულია წინამდებარე ხელშეკრულების დანართი N1-ით.

3.2. ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

შემსყიდველი:



მიმწოდებელი:



4. მხარეთა ვალდებულებები

4.1 მიმწოდებელი ვალდებულია:

ა) უზრუნველყოს წინამდებარე ხელშეკრულების მე-2 მუხლით გათვალისწინებული მომსახურების გაწევა ორ ნაკადად - I ნაკადი 2017 წლის 13-19 ივნისი; II ნაკადი 2017 წლის 3-9 ივლისი-სასტუმრო „Wald Hotel Lagodekhi“ მდებარე: ქ. ლაგოდეხის დაცულ ტერიტორიაზე მის: ვაშლოვანის ქუჩა 197.

ბ) მომსახურების გაწევის პროცესში იხელმძღვანელოს ამ ხელშეკრულების მე-5 მუხლის 5.1. პუნქტით გათვალისწინებული პირობებით;

4.2 შემსყიდველი ვალდებულია:

ა) შეუფერხებლად აუნაზღაუროს მიმწოდებელს ფაქტობრივად გაწეული მომსახურების ღირებულება ამ ხელშეკრულებით გათვალისწინებული ვადების შესაბამისად;

ბ) უზრუნველყოს ხელშეკრულების შესრულების კონტროლი;

გ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი

5.1. ხელშეკრულების მე-2 მუხლით გათვალისწინებული მომსახურება უნდა შეესაბამებოდეს მსგავსი მომსახურებისათვის უკვე არსებულ სტანდარტებსა და შემსყიდველი ორგანიზაციის მოთხოვნებს.

5.2. აღნიშნული ნორმიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს გაწეული მომსახურება ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

6. მომსახურების გაწევის ადგილი და პირობები

6.1. მომსახურების პერიოდი - ორ ნაკადად - I ნაკადი 2017 წლის 13-19 ივნისი; II ნაკადი 2017 წლის 3-9 ივლისი - სასტუმრო „Wald Hotel Lagodekhi“ მდებარე: ქ. ლაგოდეხის დაცულ ტერიტორიაზე მის: ვაშლოვანის ქუჩა 197.

6.2. სასტუმროს მომსახურება მოიცავს:

I ნაკადი

6.2.1. სასტუმრო უნდა იყოს უზრუნველყოფილი გამაგრებულ-გამათბობელი სისტემით, 24 საათიანი ელექტრომომარაგებით, და უწყვეტი რეჟიმის ინტერნეტით, ასევე, დაცული უნდა იყოს სანიტარული ნორმები.

6.2.2. სასტუმრომ უნდა უზრუნველყოს 21 პერსონის განთავსება ივნისის თვეში 6 ღამით (Check in 13 ივნისი Check Out 19 ივნისი).

6.2.3. სასტუმრომ უნდა უზრუნველყოს 21 პერსონა კვებით 6 ღამის (7 დღის) (13-19 ივნისი) განმავლობაში.

6.2.4. სასტუმრო უნდა იყოს ადაპტირებული ეტლით მოსარგებლეთათვის. უნდა ჰქონდეს პანდუსი (ან დამატებით პორტატული პანდუსი) და ადაპტირებული სველი წერტილი. სასადილო და სამუშაო სივრცე უნდა მდებარეობდეს პირველ სართულზე.

6.2.5. სასადილოში შესაძლებელი უნდა იყოს ერთდროულად 21 პერსონის კვება.

6.2.6. სასტუმროში უნდა იყოს სამუშაო სივრცე (ოთახი) 21 პერსონაზე გათვლილი.

6.2.7. სამუშაო ოთახი აღჭურვილი უნდა იყოს პროექტორით, ეკრანით, სკამებით, დინამიკებით და მუდმივი ინტერნეტით.

6.2.8. სასტუმროს უნდა გააჩნდეს კეთილმოწყობილი ეზო, სადაც შესაძლებელი იქნება გარე სესიების ჩატარება 21 პერსონისათვის.

6.2.9. სასტუმროში უნდა იყოს გასართობი სივრცე.

6.2.10. Check in - I ნაკადი 13 ივნისი 13:00 საათი. Check Out - I ნაკადი 19 ივნისი 12:00 საათი. Check in - ის დღეს 2 ჯერადი კვებით (სადილი, ვახშამი); მეორე, მესამე, მეოთხე, მეხუთე და მეექვსე დღეს - საუზმე, სადილი, ვახშამი; Check Out -ს დღეს საუზმე. კვების დროის განსაზღვრა უნდა მოხდეს შემსყიდველთან შეთანხმებით (სადილსა და ვახშამზე წარმოდგენილი უნდა იყოს მინიმუმ 10 დასახელების კერძი,

გათვალისწინებული უნდა იყოს ვეგეტარიანული მოთხოვნები, ასევე რაციონში არ უნდა შედიოდეს ღორის ხორცი და მისგან დამზადებული სხვა პროდუქტი).

6.2.11. სასტუმროში არ უნდა იყოს ხელმისაწვდომი ალკოჰოლური სასმელი და თამბაქო.

II ნაკადი

6.2.12. სასტუმრო უნდა იყოს უზრუნველყოფილი გამაგრებულ-გამათბობელი სისტემით, ცენტრალური გათბობით, 24 საათიანი ელექტრომომარაგებით, და უწყვეტი რეჟიმის ინტერნეტით, ასევე, დაცული უნდა იყოს სანიტარული ნორმები.

6.2.13. სასტუმრომ უნდა უზრუნველყოს 21 პერსონის განთავსება ივნისის თვეში 6 ღამით (Check in 3 ივლისი Check Out 9 ივლისი).

6.2.14. სასტუმრომ უნდა უზრუნველყოს 21 პერსონა კვებით 6 ღამის (7 დღის) (3-9 ივლისი) განმავლობაში.

6.2.15. სასტუმრო უნდა იყოს ადაპტირებული ეტლით მოსარგებლეთათვის. უნდა ჰქონდეს პანდუსი (ან დამატებით პორტატული პანდუსი) და ადაპტირებული სველი წერტილი. სასადილო და სამუშაო სივრცე უნდა მდებარეობდეს პირველ სართულზე.

6.2.16. სასადილოში შესაძლებელი უნდა იყოს ერთდროულად 21 პერსონის კვება.

6.2.17. სასტუმროში უნდა იყოს სამუშაო სივრცე (ოთახი) 21 პერსონაზე გათვლილი.

6.2.18. სამუშაო ოთახი აღჭურვილი უნდა იყოს პროექტორით, ეკრანით, სკამებით, დინამიკებით და მუდმივი ინტერნეტით.

6.2.19. სასტუმროს უნდა გააჩნდეს კეთილმოწყობილი ეზო, სადაც შესაძლებელი იქნება გარე სესიების ჩატარება 21 პერსონისათვის.

6.2.20. სასტუმროში უნდა იყოს გასართობი სივრცე.

6.2.21. Check in-II ნაკადი 3 ივლისი 13:00 საათი. Check Out -II ნაკადი 9 ივლისი 12:00 საათი. Check in - ის დღეს 2 ჯერადი კვებით (სადილი, ვახშამი); მეორე, მესამე, მეოთხე, მეხუთე და მეექვსე დღეს - საუზმე, სადილი, ვახშამი; Check Out -ს დღეს საუზმე. კვების დროის განსაზღვრა უნდა მოხდეს მომსახურების შემსყიდველთან შეთანხმებით (სადილსა და ვახშამზე წარმოდგენილი უნდა იყოს მინიმუმ 10 დასახელების კერძი, გათვალისწინებული უნდა იყოს ვეგეტარიანული მოთხოვნები, ასევე რაციონში არ უნდა შედიოდეს ღორის ხორცი და მისგან დამზადებული სხვა პროდუქტი).

6.2.22. სასტუმროში არ უნდა იყოს ხელმისაწვდომი ალკოჰოლური სასმელი და თამბაქო.

7. ხელშეკრულების შესრულების კონტროლი

7.1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც მომსახურების გაწევის დროს, ისე ამ ხელშეკრულების მოქმედების პერიოდში.

7.2. ინსპექტირებას განახორციელებს სსიპ „ბავშვთა და ახალგაზრდობის ეროვნული ცენტრის“ პროგრამებისა და ბანაკების მართვის დეპარტამენტის პროგრამების სამსახურის უფროსის მ/შ ბელა სარია.


7.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული მომსახურება, მიმწოდებელი ვალდებულია წერილობითი შეტყობინებიდან 10 (ათი) დღეში გამოასწოროს წუნი ან თუ წუნის გამოსწორება შეუძლებელია და შემსყიდველს უკვე გადახდილი აქვს გაწეული მომსახურების ღირებულება დაუბრუნოს შემსყიდველს აღნიშნული მომსახურების ღირებულება.

7.4. თუ ამ მუხლის 7.3 პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.

შემსყიდველი:



მიმწოდებელი:



8. მომსახურების მიღება-ჩაბარების წესი

8.1. გაწეული მომსახურების მიღება წარმოებს მიღება-ჩაბარების აქტის გაფორმების გზით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

8.2. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

8.3. გაწეული მომსახურების მიღებას აწარმოებს: სსიპ „ბავშვთა და ახალგაზრდობის ეროვნული ცენტრის“ პროგრამებისა და ბანაკების მართვის დეპარტამენტის პროგრამების სამსახურის უფროსის მ/შ ბელა სარია.

9. ანგარიშსწორება

9.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

9.2. შემსყიდველი იღებს ვალდებულებას გადაუხადოს მიმწოდებელს ფაქტობრივად გაწეული მომსახურებების ღირებულება მიღება-ჩაბარების აქტის გაფორმებიდან 10 (ათი) სამუშაო დღის განმავლობაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

10. ხელშეკრულების შესრულების შეფერხება

10.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

10.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-12 მუხლის შესაბამისად.

11. ხელშეკრულების პირობების შეუსრულებლობა

11.1. წინამდებარე ხელშეკრულებით ნაკისრი ვალდებულებების შეუსრულებლობისთვის მიმწოდებელს ყოველ ვადაგადაცილებულ დღეზე, დაეკისრება პირგასამტეხლო ხელშეკრულების მთლიანი ღირებულების 0.1 %-ის ოდენობით.


11.2. იმ შემთხვევაში, თუ მიმწოდებლისთვის დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულება.

11.3 სახელშეკრულებო ვალდებულებების შეუსრულებლობის ან არაჯეროვან შესრულებისათვის შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ჯამური ღირებულების 15%-ის ოდენობით.

შემსყიდველი:



მიმწოდებელი:



11.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

12. ხელშეკრულებაში ცვლილებების შეტანა

12.1. წინამდებარე ხელშეკრულების პირობების ნებისმიერი ცვლილება ან დამატება უნდა გაფორმდეს წერილობით ხელშეკრულების ცვლილების სახით, რომელიც ჩაითვლება ხელშეკრულების განუყოფელ ნაწილად.

12.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.3. წინამდებარე ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

12.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში

დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

13. დავების გადაწყვეტა

13.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

13.2. თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

14. ხელშეკრულების შეწყვეტა

14.1. შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

14.2. ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

14.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს ხელშეკრულებით განსაზღვრული სხვა ვალდებულებების შესრულებისაგან.

15. ხელშეკრულების მოქმედების ვადა

წინამდებარე ხელშეკრულება ძალაში შედის მხარეთა მიერ ხელმოწერისთანავე და მოქმედებს 2017 წლის 11 აგვისტოს ჩათვლით.

შემსყიდველი:

მიმწოდებელი:

16. ფორს-მაჟორი

16.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

16.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

16.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

17. სხვა პირობები

ხელშეკრულება შედგენილია თანაბარი იურიდიული ძალის მქონე ორ ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ერთი შემსყიდველს.

18. მხარეთა რეკვიზიტები:

შემსყიდველი

მიმწოდებელი:

სსიპ „ბავშვთა და ახალგაზრდობის ეროვნული ცენტრი“

მის: თბილისი, ვაჟა-ფშაველას 76^ბ

ტელ: 2305175;

ს/კ: 204935712

სახაზინო რეკვიზიტები:

კოდი: №220101222

ა.ა: №200122900

ცენტრის უფროსი

გიგა გაბელაია



შპს „ჰერეთი 2016“

ს/კ 404517073;

მის. ქ. თბილისის, ძველი თბილისის რაიონში, მტკვრის ქ., N 6, სხვენი;

ტელ. +995574880331;

ელ. ფოსტა: k_valii@yahoo.de

საბანკო რეკვიზიტები:

სს „თიბისი ბანკი“

ბანკის კოდი:

TBCBGE22

ანგ. N: GE 08 TB 7401 9360 2010 0002

დირექტორი:

ვალერიან კერესელიძე



Handwritten signatures and initials at the bottom of the page.

ფასების ცხრილი

მომსახურების პერიოდი I ნაკადი - 2017 წლის 13-19 ივნისი

13-19 ივნისი	ნომრების რაოდენობა	პერიოდი	განთავსებული ადამიანების რაოდენობა	ერთი ადამიანის განთავსების ღირებულება	საერთო ღირებულება
3 ადგილიანი	2	6 ღამე	6	40,00	240.00
4 ადგილიანი	3	6 ღამე	12	40.00	480.00
3 ადგილიანი (ადაპტირებული სველი წერტილით)	1	6 ღამე	3	40.00	120.00

კვება

		ერთეულის ფასი	საერთო ღირებულება
საუზმე 6 დღე	21 პერსონაზე	8.70	182.70
სადილი 6 დღე	21 პერსონაზე	16.10	338.10
ვახშამი 6 დღე	21 პერსონაზე	18.92	397.32

მთლიანი ღირებულება	1758.12
--------------------	---------

მომსახურების პერიოდი II ნაკადი 2017 წლის 3-9 ივლისი

3-9 ივლისი	ნომრების რაოდენობა	პერიოდი	განთავსებული ადამიანების რაოდენობა	ერთი ადამიანის განთავსების ღირებულება	საერთო ღირებულება
3 ადგილიანი	2	6 ღამე	6	40,00	240,00
4 ადგილიანი	3	6 ღამე	12	40.00	480.00
3 ადგილიანი (ადაპტირებული სველი წერტილით)	1	6 ღამე	3	40.00	120,00

კვება

		ერთეულის ფასი	საერთო ღირებულება
საუზმე 6 დღე	21 პერსონაზე	8.70	182.70
სადილი 6 დღე	21 პერსონაზე	16.10	338.10
ვახშამი 6 დღე	21 პერსონაზე	18.92	397.32

მთლიანი ღირებულება	1758.12
--------------------	---------

მთლიანი ღირებულება: 21 097.44 (ოცდაერთიათას ოთხმოცდაჩვიდმეტი და ორმოცდაოთხი თეთარი) ლარი.

შემსყიდველი:



მიმწოდებელი:

